

Cynigion a Gwelliannau i'w Trafod ar 17 Mai 2006

Cynigion a Gyflwynwyd ar 10 Mai 2006

Dadl Fer

NDM3039 Glyn Davies (Canolbarth a Gorllewin Cymru): Meysydd Glas mewn Trefi a Thai Fforddiadwy

NDM3040 Sue Essex (Gogledd Caerdydd)

Bod y Cynulliad Cenedlaethol, yn unol â Rheol Sefydlog 21.6, yn cymeradwyo'r newidiadau i'r Prif Grwpiau Gwariant ar gyfer y flwyddyn ariannol 2006-07, a osodwyd yn y Swyddfa Gyflwyno ddydd Mawrth 9 Mai gan y Gweinidog dros Gyllid, Llywodraeth Leol a Gwasanaethau Cyhoeddus a Chymunedau, Sue Essex.

Gosodwyd y tablau canlynol yn y Swyddfa Gyflwyno ar 9 Mai:

Dengys Tabl 1 y newidiadau a gynigir i ddarpariaeth bresennol y Cynulliad ar gyfer y Prif Grwpiau Gwariant sy'n ymwneud â throsglwyddiadau i adrannau eraill y llywodraeth ac ohonynt a newidiadau cyllideb technegol.

NDM3042 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn nodi:

- a. Adroddiad blynyddol Prif Arolygydd Addysg a Hyfforddiant Ei Mawrhydi;
- b. Barn y Prif Arolygydd bod safonau'n gwella mewn nifer o feysydd addysg a hyfforddiant;
- c. Y camau sy'n cael eu cymryd drwy ein hagenda unigryw ar gyfer Cymru, "Y Wlad sy'n Dysgu", i chwalu'r rhwystrau i ddysgu a rhoi sylw i'r meysydd ar gyfer gwella a nodwyd gan y Prif Arolygydd.

Gellir gweld adroddiad blynyddol Prif Arolygydd Addysg a Hyfforddiant Ei Mawrhydi drwy ddefnyddio'r hyperddolenni canlynol:

http://www.estyn.gov.uk/publications/Estyn_Full_Annual_Report_English.pdf

http://www.estyn.gov.uk/publications/cy_Estyn_Full_Annual_Report_Welsh.pdf

Cyhoeddir "Y Wlad sy'n Dysgu" mewn dwy ran, y gellir eu gweld drwy ddilyn yr hyperddolenni isod:

<http://assembly/education/topics/lifelong-learning/ll-docs/learning-country/doct-e.pdf>

<http://new.wales.gov.uk/docrepos/40382/4038232/4038211/403821211/learningcountry-w.pdf?lang=cy>

http://new.wales.gov.uk/docrepos/40382/4038232/403821/the_learning_country_2/Learning_Country2_English.pdf?lang=en

http://new.wales.gov.uk/docrepos/40382/4038232/403821/the_learning_country_2/Learning_Country2_Welsh.pdf?lang=cy

NDM3041 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn nodi cryfder cynyddol y gystadleuaeth yn y sector gweithgynhyrchu yn fyd-eang;
2. Yn cydnabod yr angen parhaus i'r sector gweithgynhyrchu yng Nghymru roi ei hun mewn sefyllfa i fanteisio ar y sefyllfa fyd-eang;
3. Yn cadarnhau'r angen i roi cefnogaeth barhaus y sector cyhoeddus i'r sector yng Nghymru.

NDM3043 Jane Hutt (Bro Morgannwg)

Mae Cynulliad Cenedlaethol Cymru

1. Yn cydnabod bod y Gweinidog dros Addysg, Dysgu Gydol Oes a Sgiliau:

a) wedi dod â Gorchymyn Deddf Addysg 2002 (Cychwyn Rhif 8) (Cymru) 2006 ymlaen, sy'n cychwyn adran 175 Deddf Addysg 2002 ar gyfer ei gymeradwyo yng Nghyfarfod Llawn 31 Ionawr 2006; a

b) bydd yn cyhoeddi arweiniad i gefnogi awdurdodau addysg lleol a chyrrff llywodraethu i arfer eu swyddogaethau i ddiogelu a hyrwyddo lles plant, sy'n cynnwys enwebu llywodraethwr wedi'i enwi a fydd yn gyfrifol am faterion sy'n ymwneud ag amddiffyn plant a sefydlu cronfeydd ddata awdurdod addysg lleol o lywodraethwyr a enwebwyd ar gyfer ymgynghori yn ystod tymor yr haf gyda'r bwriad o roi hyn ar waith mewn ysgolion yn ystod tymor Hydref 2006.

2. Yn credu y bydd y camau a geisiodd Gwenda Thomas yn ei chynnig NDM2641 dan Reol Sefydlog 31.2 a drafodwyd ar 23 Tachwedd 2005, wedi cael eu cwblhau'n foddhaol, ac felly na ddylai fwrw ymlaen â gweddill camau gweithdrefn Rheol Sefydlog 31.

Gosodwyd Gorchymyn Deddf Addysg 2002 (Cychwyn Rhif 8) (Cymru) 2006 yn y Swyddfa Gyflwyno ar 10 Ionawr 2006.

NDM3044 Jane Hutt (Bro Morgannwg)

Cynnig bod Cynulliad Cenedlaethol Cymru, yn unol â Rheol Sefydlog 8.1:

1. Yn sefydlu Pwyllgor Ymgynghorol i argymhell Rheolau Sefydlog i'r Cynulliad a gyfansoddir dan Fesur Llywodraeth Cymru;
2. Teitl y Pwyllgor fydd y Pwyllgor Rheolau Sefydlog;
3. Bydd saith Aelod o'r Cynulliad yn aelodau o'r Pwyllgor, pedwar o'r Blaid Lafur, un o Blaid Cymru, un o Blaid Ceidwadwyr Cymru ac un o Blaid Democratiaid Rhyddfrydol Cymru a fydd yn cadeirio'r Pwyllgor;
4. Dyma fydd cylch gorchwyl y Pwyllgor Rheolau Sefydlog:
 - a) Gwneud pob ymdrech i argymhell rheolau sefydlog newydd, sy'n gallu sicrhau cymeradwyaeth mwyafrif o ddau draean yn y cyfarfod llawn;
 - b) Paratoi adroddiad, a fydd yn amlinellu rheolau sefydlog newydd a gynigir i'r cyfarfod llawn eu hystyried.
5. Bydd y Pwyllgor yn adrodd ar neu cyn 31 Ionawr 2007. Daw'r pwyllgor i ben ar 1 Mawrth 2007.

Gyda'r cynnig uchod cafwyd yr asesiad canlynol o'r costau, y buddion ac unrhyw oblygiadau eraill sy'n berthnasol i sefydlu'r pwyllgor:

Asesiad o Gostau a Buddion sefydlu Pwyllgor Rheolau Sefydlog

Costau'r Pwyllgor

Bydd y Pwyllgor yn cael ei wasanaethu drwy gyfrwng adnoddau staff presennol Gwasanaeth Seneddol y Cynulliad ac ni fydd yn golygu unrhyw gost ychwanegol.

Buddion y Pwyllgor

Sefydlu'r Pwyllgor ychwanegol, a fydd yn cynnwys cynrychiolwyr o bob plaid, fyddai'r ffordd orau o fwrw ymlaen i ystyried ac argymhell Rheolau Sefydlog ar gyfer y Cynulliad a gyfansoddir dan Fesur Llywodraeth Cymru.

Bydd y Pwyllgor yn adrodd ar neu cyn 31 Ionawr 2007 a daw i ben ar 1 Mawrth 2007.

Nid oes unrhyw oblygiadau ychwanegol.

NDM3045 Jane Hutt (Bro Morgannwg)

Cynnig bod Cynulliad Cenedlaethol Cymru, gan weithredu'n unol â Rheol Sefydlog 8.4, yn ethol yr Aelodau canlynol ar y Pwyllgor Rheolau Sefydlog:

Jane Hutt (Llafur)
Ann Jones (Llafur)
Val Lloyd (Llafur)
Gwenda Thomas (Llafur)
Jocelyn Davies (Plaid Cymru)
Lisa Francis (Ceidwadwyr)
Jenny Randerson (Democratiaid Rhyddfrydol)

ac yn ethol Jenny Randerson i gadeirio'r Pwyllgor.

Gwelliannau a Gyflwynwyd ar 11 Mai 2006

Cynnig bod y Cynulliad yn penderfynu mabwysiadu'r gwelliannau isod i gynigion:

NDM3042

1. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn cyfarwyddo Llywodraeth y Cynulliad i gyfeirio cyllid tuag at leihau nifer y plant nad ydynt mewn addysg, hyfforddiant na chyflogaeth.

2. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn nodi gyda phryder nifer y plant sy'n gadael yr ysgol gyda sgiliau llythrennedd, rhifedd a rhyngweithio cymdeithasol annigonol.

3. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn nodi gyda phryder sylwadau Arolygwyr bod 30% o ddysgwyr yn absennol o'r gwersi a aseswyd a diffyg strategaethau effeithiol i helpu dysgwyr i fod yn bresennol yn gyson.

4. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn nodi gyda phryder y methiant i roi sylw i faterion addysg sy'n ymwneud â'r system cyfiawnder ieuenctid.

5. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn cyfarwyddo Llywodraeth y Cynulliad i roi sylw i'r twf gwirioneddol o 0% yn y gwariant ar addysg bellach.

6. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn nodi gyda phryder na lwyddwyd i gyflawni'r targedau arholiadau a osodwyd gan Lywodraeth y Cynulliad mewn ysgolion uwchradd a cholegau.

7. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn nodi gyda phryder bod perfformiad ysgolion mewn ardaloedd difreintiedig yn Lloegr yn well na pherfformiad ysgolion mewn ardaloedd tebyg yng Nghymru.

Gwelliannau a Gyflwynwyd ar 12 Mai 2006

Cynnig bod y Cynulliad yn penderfynu mabwysiadu'r gwelliannau isod i gynigion:

NDM3041

1. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn targedu buddsoddiad at ddiwydiannau twf a diwydiannau'r dyfodol.

2. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn cydnabod y byddai safle Cymru o ran gweithgynhyrchu'n cael ei gryfhau drwy aelodaeth o'r Ewro.

3. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn gresynu am y gostyngiad yn y cynnyrch gweithgynhyrchu yng Nghymru tra bo'r sector yng ngweddill y DU yn tyfu, ac yn mynegi pryder am ostyngiadau yn y mynegai cynhyrchu, adeiladu, gweithgynhyrchu ac yng ngwerth allforion, a hefyd y cynnydd mewn diweithdra dros y 12 mis diwethaf, ac yn galw ar Lywodraeth Cynulliad Cymru i gydnabod ei methiannau ac adolygu ei strategaethau yn unol â hynny.

4. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i gynnal arolygon priodol a rheolaidd o gyflogwyr yn y diwydiant gweithgynhyrchu a gweithredu yn unol â hynny, i sicrhau bod sgiliau'r gweithwyr yn y sector yn cael eu gloywi.

5. Jocelyn Davies (Dwyrain De Cymru)

Ym mhwynt 2, cynnwys ar ôl 'sefyllfa fyd-eang':

'ac, yng ngoleuni'r nifer gyfyngedig o gwmnïau rhyngwladol troedrydd yn y sector gweithgynhyrchu, yn cydnabod pwysigrwydd cynyddol BBaCh cynhenid ac yn annog y Llywodraeth i gymryd camau rhagweithiol i helpu'r BBaCh yn y maes gweithgynhyrchu yng Nghymru, i ehangu ac i sefydlu rhai newydd'

6. Jocelyn Davies (Dwyrain De Cymru)

Ym mhwynt 3, cynnwys ar ôl 'Cymru':

'ac felly'n cydnabod yr angen am ddull gweithredu mwy strategol a phenodol at y defnydd o gyllid yr UE'

7. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru, yng ngoleuni ei hymrwymiad i gynaliadwyedd, i gyflwyno polisiau newydd i helpu'r sector gweithgynhyrchu yng Nghymru i ddefnyddio llai o ynni ac ailgylchu hyd eithaf eu gallu er mwyn lleihau'r ôl-troed carbon sy'n deillio o'r sector

hwn, heb danseilio ei botensial ar gyfer twf.

NDM3042

1. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn nodi'r pryder a fynegwyd gan Estyn ynghylch cyflwr adeiladau ysgolion a diffyg cydlyniad wrth gynllunio'r gwaith o'u cynnal a'u cadw a'u hatgyweirio.

2. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn nodi gyda phryder effaith gyfyngedig CCAHau a Rhwydweithiau 14-19 ac yn galw ar Lywodraeth Cynulliad Cymru i roi i'r partneriaethau hyn yr adnoddau a'r pwerau ar gyfer sicrhau newid.

3. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i wella'r ddarpariaeth ddysgu ar gyfer pobl ifanc gyda phroblemau iechyd meddwl.

4. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn cydnabod yr angen i Awdurdodau Addysg Lleol roi sylw i'r diffyg yn yr addysg amser llawn a ddarperir ar gyfer disgyblion sydd wedi'u gwahardd yng Nghymru.